



THINK NAMIBIA
Sustainable Forest
Management

Simbapira esi kwa fwaturura vetaturwapo ntani nongendeseso kuhamena egendeseso neruganeso yitji kumwe nomarunone gamwe gowiza moNamibia.

ETWAROMO

Ruha rwekungowiza moNamibia kwa ru tura paveta mepangero momumvho 2001 (Forest Act of 2001). Eturopoveta eli kwa fwaturura yiviyauka yokulisiga-siga megendeseso lyokuyukilira neruganeso runone rowiza moNamibia. Kuvatera mokupopera runone rowiza ntani nokunomena asi ruhansitwe ru kare po nokugava makwafu ngwendi mokukandana ekonkomoko evhu, ntani nokunomena asi mpepohesereso mo zi li monsitwe, ntani hena mauwa gorunone gokukulika yikwaeparu kuna kara mepopero. Vetaturwapo zekungowiza kwa pulisira etuliso po ekungowiza lyonkarapamwe, mokupopera runone rowiza mokuretesa po malitjindjo moyikwaeparu ntani nomaparu govanamukunda. Veta zekungowiza kuzigendesa ruha rwekungowiza kupitira moUministeli wEkundonsitwe, Wiza noUdinguli.

Simwe hena somulyo moveta zegendeseso runone rowiza Vetantokorwa zegendesonsitwe zemelima 2007 (Environmental Management Act of 2007), ezi ava gendesa woruha rwekungonsitwe, monda zoUministeli wEkungonsitwe, Wiza noUdinguli. Vetaturwapo (Environmental Management Act) mulyo unene mokuvatera ezanguro lyoyitji yoyipirangi ndi etuturo yihwa ntani kuzereso epya eyi va didilika mobuke zoVetantokorwa. Vetaturwapo zEpopero runone rowiza nonsitwe moNamibia kwa zi tjanga Mediveta lyosirongo moruhattjango/Artikeli 95 (I) (Article 95 (I)) Azo kwa fwaturuka ngesi ...

“

“Egendeso lyosirongo ngali nomena mokuzerura ntani nokusikisa mo ukalinawa wovanamvharerwa mokutulisa po nompango nositambo sokupopera ruhansitwe, yipo asi ekarokumwe nomparunsitwe zoyinamwenyo moNamibia nenomeno runone mokurugendesa nawa yipo asi nkenye gumwe Munamibia a gwanene mo mauwa nava ngava ka wiza ko komeho...”

”



Efano 1: Uhahe (Kwa si pulisira: C. Mannheimer)

SIMBAPIRA SOUSILI KUHAMENA KO:

Etuliso Po Veta Zegendesowiza moNamibia

- 2020**
Etarururo novetantokorwa dekungowiza demelima 2001 tali vareke.
Ruhagendesesi ekungowiza taru tundu moUministeli woUhandima, Mema Newapukururoevhu u ze moUministeli woNsitwe, Wiza noUdinguli.
- 2015**
Novetantokorwa dekungowiza demelima 2001 tava di tura paveta.
- 2012**
Etameko lyoVetantokorwa zegendeseso nsitwe tazi vareke kurugana.
- 2011**
Mafaneko gekonakono wiza moNamibia.
- 2007**
Vetantokorwa zegendeseso nsitwe pamukunda.
- 2006**
Edivisohuliliro mavango ronantatu (13) gekungowiza goNkarapamwe mosirongo.
- 2005**
Egendururo netarururo lyovetantokorwa zekungowiza mokufwaturura ndango zekungowiza.
Ruha romberewa zekungowiza tipo zatundire moUministeli wekungonsitwe zize moUministeli woUhandima, mema nekungowiza.
- 2002**
Ewapukururo vetantokorwa zevhu lyompongasano.
- 2001**
Ekuro lyegendeseso lyowiza kukwama.
Vetantokorwa zekungowiza zemelima 2001.
- 1999**
Kutulisa po nonkedirugano dosirongo nokunomena nokutarurura ezokomeho lyegendesoyukiliro megendeseso lyekungowiza moNamibia.
- 1998**
Egozo lyokutarurura veta zekungowiza. Etarururo lyoveta zekungowiza noyitumbukira yekuliko pasirongo nopontambo zomuhowo nauvali zonoveta pazuni.
- 1997**
Kutura mafanekogendeseso gowiza kupitira melikwamo lyelikwatakano Namibia naFinland (1997 – 2001).
- 1996**
Ntambo zokuhova kuhamena eturo mafanekogendeseso gowiza moNamibia.
- 1995**
Ruha romberewa zegendesowiza yipo za varekere kutura mafanayiko gekungowiza, kupitira momalihamesero mo.
- 1992**
Sirugana songendesesowiza zomuhoverera.
- 1990**
Ediveta lyaNamibia ruhantopora/Artikeli 95 (I).

Ruhafano 1: Elikwamo lyokutulisa po noveta degendesowiza moNamibia kutunda kemanguruko

MULYO GETULISO PO VETA ZEGENDESOWIZA

Novetatuliso po dokuyuka mulyo megendeso wiza mokulikida egendeso lyewa ntani kunomena asi vakwatesi ko kuna kukwama nompangoturo po. Novetaturwa po dEkungowiza (Forest Act) kuvatera egendeso lyowiza momarupe gokusiga-siga, omu muna kwatere mokugava mayukiso nomasikameno po varugani woruhagendeso wiza (Directorate of Forest) ntani vakwatesi ko meruganeso runone rowiza.

1. Kutota po Novetagendeseso Ekungowiza woNkarapamwe

Etjangeso lyekungowiza wonkarapamwe kulirugana mokukwama nontambo murongo (10) komeho wiza va ka u ture paveta asi Ekungowiza woNkarapamwe.

NONKEDIKWAMO	YIHOROKWA	
1. Kuwapayika ehanesombudi kumwe nomaliyongo	Kugava mapukururo kovantu womonkarapamwe va pukurukwe kuhamena nompito, unankondo, noveta ntani mauwa gowiza wekungo.	Efaneko / Matukwiro goproyeka Foroma ntani ruha rwehundiro
2. Kutameka kutjangesa eranyo nositumbukira	Mbilivepulisiro evango zokutunda kegendeso lyorudi tava zi tjanga zi ze kombereza zekungowiza.	
3. Eturokumwe vantuwomonkarapamwe	Kutulisa po komitiye zegendesowiza yipo zi gendese nokusaina ehundiro lyelizuvhasano lyekungowiza.	
4. Evango lyokuruganesa kumwe nokulimeta	Kunongonona evango kumwe nokutara nomurudi. Vanamukunda novanamberewa vekungowiza va hepa kukara po.	
5. Kutura nokupulisiro nomurudi	Kunongonona nomukunda da kara mevango olyo noku va divisa va dive nomurudi navenye. Nomurudi odo da hepa kudipulisira egendeso lyorudi.	
6. Kukonakona yikwaeparu yonkarapamwe ntani kuyitarurura	Kupongayika nombudi deganofaneko lyegendeso novakwatesi ko yipo va dimburure yiponga noma uwa gekungowiza wonkarapamwe.	
7. Kutulisa po buke zokuhova zegendesofaneko	Kuhangura evango lyekungowiza momaruha nositambo sokulisiga-siga. Efaneko lyegendesowiza tava litameke mokulitjanga mokuhamesera mo vanamukunda.	
8. Kutulisa po maligwo gomauwa nokuligawinina mukoso	Kutulisa po mbapira zomalizuvho mokuligawinina mauwa.	
9. Kusaraga malizuvho gekungowiza wonkarapamwe	Kutjanga mbapira zomalizuvho gopokatji kokomitiye noUministeli Wekungonsitwe, Wiza noUdinguli, nga simwe soyihapwa mokuhundira ediviso lyekungowiza wonkarapamwe, mekwatesoko lyegendeso lyorudi noruhasingo (mukunda).	
10. Kuhundira ediviso lyekungowiza wonkarapamwe	Kusikura asi ruvezeke vana mana ntambopita kukwama matokoro govetantokorwa zekungowiza.	

Ruhafano 2: Nontambo (10) murongo dongendeseso kutura wiza woNkarapamwe paveta


2. Mpapirapulisiro nononkarero deruganeso runone rowiza

Vetatokorwa kugava epakerombili mokutulisa po noveta nononkarero no nomena asi yiviyauka yomowiza kuna kuyitakamesa mokuruganesa nombapirapulisiro. Noveta degendesowiza nado kwa rwamena epakerombili kuhamena runone romowiza woNkarapamwe kuhamena yipirangi yokutunda konze ndi yokuzangura paundambo. Nombapirapulisiro domaulisiro da kara hepero, mbapirapulisiro mokudika sitaura ndi etungo, ntani erugano mina mevango lyowiza woNkarapamwe ndi mowiza wepopero za kara hepero mokuzigwana.

Sitafurafaneko 1: Ekamofaturo kuhamena nombapirapulisiro dokulisiga-siga


Marudi gonombapira	Mafwatururo	Siruwo somulyo gombapira
Mbapirapulisiro zokuzangwisa	Kuziruganesa nsene kwa hara kuzangura yitji yoyipirangi ndi makara, ndi yitji yimwe yokulikerera mevango, azo kuzigwana nsene vana mana kukonakona evango.	3 Makwedi
Mbapirapulisiro zokugendesa yitji nayimwe ngoso	Kuziruganesa nsene kuna kugendesa eyi ono zangura ngwendi yitoropora, yipirangi, makara, ntani yitare.	7 Mazuva
Mbapirapulisiro zokutwaresesa yininke ponze zosirongo	Kuziruganesa nsene kuna kupwagesa muzangu goyitji ponze zosirongo.	7 Mazuva
Mbapirapulisiro zokutjingsisa	Kuziruganesa nsene kuna kutwara muzangu goge komarandesero gomosingo ndi gopoze zaNamibia.	3 Makwedi mevango lyopangeseafa 1 Kwedi mevango lyoNkarapamwe

Marudi gokulisiga gonombapirapulisiro kudipumbwira yiviyauka yokulisiga-siga; kwato "ruhakwatakanesi" oru rwa vhura kuyikwatakana kumwe tupu ru yi gendese. Mbapirapulisiro zokuzangwisa yizo muhowo no vhura kugwana ntani kukwame nonkwawo. Ngedeseso zoforoma nakauke ya lisiga omu dina kara zEvhu lyopwaumwene, Evhu lyopwaumwene monkarapamwe, ndi wiza wekungo monkarapamwe.



Ruhafano 3: Ngedeseso zokukwama o gwane mbapirapulisiro

Moyihorokwa yimwe, mokuzangura yitjigona monofabilika zomakara, wa hepa kugwana selitifikate zeruganeso nsitwe; azo kuzigwana komberewa zefirosinka nsitwe, sinene po nsene kuna ku ka gusa evango lyenene lyowiza ntani yihorokwa yoyinene.



Ruhafano 4: Yihepwa yompumbwe mokugwana mbapira zangwiso ntani Selitifikate zeruganeso nsitwe (SAIEA, 2016)

3. Novetatengekeso ntani mafutiso

Mberewa zekungowiza za kara nononkondo moku ka ruganesa noveta kusikura eruganeso runone rowiza ntani nomuzangu gwamo. Ava wokulilimba noveta zekungowiza va fire kuvatengeka ndi kuvapaka modorongo kukwama unzoni owo ana zono. Muzaro gomaunzoni gowidi mokuzangura dogoro ediro kukwama nonkarero dombapirapulisiro.

Ezanguro pahanaveta kwa fwaturuka asi kugusa/ kuzangura runone rowiza kwa hana epulisiro, ndi kupitakanesa sivaro poyo vana didilike pombapira; yiyo yimwe ya hwa kuhoroka momavango gowiza.

Sitafurafanekoo 2: Maunzoni nomatengeko kukwama vetantokorwa zekungowiza (DoF, n.d.)

Unzoni	Efutiso
Kugusa ndi kuzonagura mereka zomurudi za tura mberewa zekungowiza.	N\$ 8,000 ndi nomvhura mbali (2) modorongo
Nsene vana ku gwanene muzangu wa hana mbapirapulisiro nsene asi ogo muzangu ngano kugugwanena mbapira.	N\$ 8,000 ndi nomvhura mbali (2) modorongo
Kudanesa/ kuzonagura silikidiso va paka komuzangu vanamberewa vekungowiza.	N\$ 8,000 ndi nomvhura mbali (2) modorongo
Kuzonagwisa yirugana yomunamberewa age moyirugana.	N\$ 8,000 ndi nomvhura mbali (2) modorongo
Kufuta ndi kuhara kupa munamberewa silinga; ndi, munamberewa a tambure silinga moyineya.	N\$ 8,000 ndi nomvhura mbali (2) modorongo
Kuhwika muniro noku gu tarerera gu lihane (mpire) gu zonagure wiza wekungo.	N\$ 4,000 ndi mvhura zimwe (1) modorongo
Kunyoka kuvatera kudimisa muniro nsene vana tura mo ehundi vanamberewa.	N\$ 2,000 ndi makwedi ntazimwe (6) modorongo
Kukumbagera/ kugava nombudi depuko pokuhundira mbapirapulisiro.	N\$ 12,000 ndi nomvhura ntatu (3) modorongo
Kuzonagura mbara zononyiki ndi kutjida nonyiki mvhongwa nankenye yimwe ayi retesa po usi.	N\$ 500 ndi makwedi gatatu modorongo
Kudira kusikisamo mpango ezi va tura paveta megendeso lyaMinistera.	Etengeko kuligava Ministera nye nokupitakanasi po N\$ 2,000 ndi makwedi gatatu modorongo
Vapili kukwama nompango kukazumbanesa nombapirapulisiro dawo norunone ndi muzangu ogu vana zangura rambangako noyiruganeso yawo.	

Nkenye ogu ana kumona muntu ana kurugana umbondo wangesi wa hepa kuyirapota ndi kusikisa ko:

- Gwanekera nombereva zekungowiza ndi sasiyona zovaporosi.
- Gwana ko maumbangi, sinene po mafano ndi sihokwa pativi (videos).
- Uyunga novanzoni owo moku va tantera va hageke pwa hana nkoyi- nkoyi zongandi.

YITJI YEMEPOPERO

Epopero lyoyitji eyi kukwama yikwaeparu lyomonkarapamwe kumwe nomparukiso zomarudi goyitji eyi.

Sitafurafaneko 3: Marudi goyitji va horowora ya kara mepopero nonokonda dayo

Madina goyitji	Madina goukonentu	Nokonda depopero
Musu	<i>Acacia erioloba</i>	Kukura kaliwora ntani nondya doyimuna
Euyu	<i>Adansonia digitata</i>	Mulyo momparukiso zonkarapamwe ntani sidimbwiliso ruhansitwe
Mupopo/ Muhengutji	<i>Albizia anthelmintica</i>	Mutji gokuhakwisa, nondya doyimuna
Uhahe	<i>Baikiaea plurijuga</i>	Ezanguro pahanaveta nomulyo gorunone rwaso
Munkudi	<i>Boscia albitrunca</i>	Kuna kuyiruganesa unene kwa pumbwa, kukura kuliwora
Mupapama	<i>Colophospermum mopane</i>	Kuna kuyiruganesa unene, kuna kuyimana.
Munyondo	<i>Combretum imberbe</i>	Mapuliro gopampo, kukura kuliwora
Muwowo	<i>Commiphora wildii</i>	Kwa kara nomulyo payikweparu
Muhengeva	<i>Faidherbia albida</i>	Kugamena nonkenkera domukuro
Uguva	<i>Pterocarpus angolensis</i>	Ezanguro pahanaveta nomulyo gorunone rwaso
Uwongo	<i>Sclerocarrya birrea</i>	Mulyo goyikwaeparu monkarapamwe
Muhongo	<i>Spirostachys africana</i>	Kuna kuyiruganesa unene, kuna kuyimana

EHAGESO

Novetaturwapo kwa kara nomulyo moyiviyauka yomuzangu gomowiza pwa hana ehuguvaru lyongandi. Vantu wovanzi kwa huguvara megunda mokuwanena mo eparu; ntani mokupa noveta depopero nokukandana eruganeso runone kuna kunomena nokufirasinka runone moku ru ruganesa monaruwa.

Sirongo saNamibia kwa kara nonoveta patokoro edi adi vhuru kurugana komaruha gokulisiga-siga, nye kapi megendeso lyowiza lyelike maruha ngwendi makuliko gokonomukunda ntani efirosinka nsitwe nowiza. Nye nampili ngoso, udigu wou asi usesu wekaro kumwe ntani mpumbwe zoudivi mokutura yirugana yokuyukilira kukwama noveta dowiza. Marongikido gomape ntani malikwamo kuna kugarongikida mokuwatesa ko magendeso neruganeso runone rowiza monkedi zokuyuka.

Enongonono lyowiza wonkarapamwe lya kara hepero poruveze rokurugana ediveta lyovanamukunda moku va hamesera mo noku va korangeda kuhamena eruganeso negendeso runone rowiza, yipo va gwanene mo mauwa gavene. Vetaturwapo simpe za guma komavango gomanene gonofabilika donongesefa ngwendi: Makara, yipirangi, ntani yimwe yikwamanyango gomowiza.

Mokuyukira vantu, pasilinga ntani pamtungo gorunone, po di li nompito mosirongo mokutulisa po noveta pakuwepa; eyi nga yikwafa mokunomena asi mauwa gorunone rowiza kuna kugakunga ava ngava ka wiza ko va ya ga gwane.

MAFWATURURONKANGO

Eganofaneko lyegendeso nsitwe [Environmental Management Plan]:

Eganofaneko lyegendeso nsitwe mbapira ezi azi gendesa mokunomena asi nompango kuna kudikwama mokupopera nsitwe mokusikisa mo elikokankakano lyoproyeka ndi yiviyauka.

Runone rowiza [Forest resources]:

Mauwa nagenye ngwendi: enyango, yitare, muzangu goyitji yimwe, ntani mauwa peke gomparukiso zoyinamwenyo monsitwe ntani nayimwe eyi ava gwana megunda.

Etamununo eganofaneko lyegendeso nsitwe [Generic environmental management plan]:

Etamununo eganofaneko lyegendeso nsitwe simwe sa kara nerwameno limwe tupu moproyeka, nye kwa tamunukira koyiviyauka nayinye.

MAUMBANGI

DoF, 2015. *Forest Regulations: Forest Act 12, 2001*. Ministry of Agriculture, Water and Forestry, Windhoek.

DoF, n.d. *Namibia's Forest Act and Policy*. Ministry of Agriculture, Water and Forestry, Windhoek.

Jones, B., 2012. *An analysis of international law, national legislation, judgements and institutions as they interrelate with territories and areas conserved by indigenous people and local communities*. Natural justice in Bangalore.

SAIEA, 2016. *Forestry and environmental authorisations process for bush harvesting projects*. Windhoek.

'Promoting Sustainable Forest Management in the Kavango-Zambezi-Region in Namibia'



This project is funded by the European Union

Mutjangi: Miya Kabajani

Pembankuru 2021

Mupiruli: Stefanus M Kudumo (Rukwangali)



MOKUZUVHA KO YOYINZI GWANEKERA NOPROYEKA ZA-NSFM:

Hanns Seidel Foundation (HSF) Namibia, House of Democracy
70-72 Dr Frans Indongo Street, Windhoek West; P.O. Box 90912, Klein Windhoek, Windhoek, Namibia

Tel: +264 (0) 61 237 373 Email: sustainability@hsf.org.na www.thinknamibia.org.na

facebook.com/thinknam twitter.com/thinknamibia instagram.com/thinknamibia/